



Broj: 06-1-07-1-35/19
Sarajevo, 31.01.2019. godine

Na osnovu člana 2.9 stav (1) tačka 9, a u vezi sa članom 10.15 Izbornog zakona Bosne i Hercegovine ("Službeni glasnik BiH", br. 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16), te člana 21. stav (3) tačka c) i člana 34. Uputstva o postupku provedbe posrednih izbora za tijela vlasti u Bosni i Hercegovini obuhvaćenih Izbornim zakonom Bosne i Hercegovine („Službeni glasnik BiH“, br. 38/14, 90/16, 8/17 i 91/18) Centralna izborna komisija Bosne i Hercegovine je na 11. sjednici, održanoj 31.01.2019. godine, donijela

ODLUKU

o utvrđivanju rezultata posrednih izbora i dodjeli mandata delegatima u Domu naroda Parlamenta Federacije Bosne i Hercegovine iz Unsko-sanskog kantona

(1) Centralna izborna komisija Bosne i Hercegovine utvrđuje rezultate posrednih izbora za Dom naroda Parlamenta Federacije Bosne i Hercegovine iz Unsko-sanskog kantona, kako slijedi:

a) Kandidatske liste iz reda bošnjačkog naroda:

1. Kandidatska lista predlagača Hadžić Zinajde dobila je **3 glasa - nije osvojila mandat,**
2. Kandidatska lista predlagača Jusić Hadisa dobila je **8 glasova – jedan (1) mandat,**
3. Kandidatska lista predlagača A-SDA-Pomak-Zajedno dobila je **8 glasova – jedan (1) mandat,**
4. Kandidatska lista predlagača Jusić Nisveta dobila je **2 glasa - nije osvojila mandat,**
5. Kandidatska lista predlagača Prošić Ekrema dobila je **5 glasova - nije osvojila mandat.**

b) Kandidatske liste iz reda hrvatskog naroda:

1. Kandidacijska lista predlagatelja Laburistička stranka dobila je **1 glas - jedan (1) mandat,**
2. Kandidacijska lista predlagatelja Halkić Razima dobila je **1 glas - nije osvojila mandat.**

c) Kandidatska lista iz reda Ostalih:

1. Kandidatska lista predlagača Laburistička stranka dobila je **2 glasa – jedan (1) mandat.**

(2) Centralna izborna komisija Bosne i Hercegovine dodjeljuje mandate u Domu naroda Parlamenta Federacije Bosne i Hercegovine iz Unsko-sanskog kantona delegatima:

1. **Jusić Hadis - Bošnjak**
2. **Halilović Hajrudin - Bošnjak**
3. **Šahinović Anel – Hrvat**
4. **Kantarević Rasim - Ostali**

O b r a z l o ž e n j e

Skupština Unsko-sanskog kantona dostavila je Centralnoj izbornoj komisiji Bosne i Hercegovine, dana 24.01.2019. godine, akt broj: 01/1-49-2-64-1/19 od 22.01.2019. godine, te u prilogu akta cjelokupan izborni materijal u vezi sa provedenim posrednim izborima za Dom naroda Parlamenta Federacije Bosne i Hercegovine iz Unsko-sanskog kantona, i to: Zaključak Skupštine Unsko-sanskog kantona o imenovanju Komisije za provođenje posrednih izbora kojim se vrši izbor delegata u Dom naroda Parlamenta Federacije Bosne i Hercegovine iz Unsko-sanskog kantona, Zapisnik sa sjednice o žrijebanju i tajnom glasanju za izbor delegata u Dom naroda Parlamenta Federacije Bosne i Hercegovine iz Unsko-sanskog kantona, tabelarni prikaz imena i prezimena poslanika koji su glasali za liste kandidata za izbor delegata u Dom naroda Parlamenta Federacije Bosne i Hercegovine, sa vlastoručnim potpisima, te trideset (30) glasačkih listića.

Članom 10.10. Izbornog zakona BiH propisano je da kantonalna zakonodavna tijela biraju 58 delegata u Dom naroda Parlamenta Federacije BiH, 17 iz reda bošnjačkog, 17 iz reda srpskog, 17 iz reda hrvatskog naroda i sedam iz reda ostalih.

Za Dom naroda Parlamenta Federacije BiH iz Unsko-sanskog kantona, u skladu s članom 21. stav (3) tačka a) Uputstva o postupku provedbe posrednih izbora za tijela vlasti u Bosni i Hercegovini obuhvaćenih Izbornim zakonom Bosne i Hercegovine („Službeni glasnik BiH“, br. 38/14, 90/16, 8/17 i 91/18), bira se ukupno **šest (6)** delegata i to dva (2) iz reda bošnjačkog naroda, jedan (1) iz reda hrvatskog naroda, dva (2) iz reda srpskog naroda i jedan (1) iz reda Ostalih.

Odredbama člana 10.14 Izbornog zakona BiH propisano je da svaki delegat u kantonalnoj skupštini daje jedan glas za listu na kojoj je njegov odgovarajući klub.

U skladu sa članom 10.15 Izbornog zakona BiH, nakon provedenog tajnog glasanja, izborni materijal i rezultati glasanja dostavljaju se Centralnoj izbornoj komisiji BiH za konačnu raspodjelu mjesta. Mandati se raspodjeljuju jedan po jedan po listama ili kandidatu sa najvišim količnicima koji su rezultirali iz formule za proporcionalnu raspodjelu utvrđenu u članu 9.5 Izbornog zakona BiH. Kada lista dobije mandat, mandat se raspoređuje s vrha liste.

Uvidom u dostavljeni materijal o provedenim posrednim izborima za Dom naroda Parlamenta FBiH, utvrđeni su sljedeći rezultati:

Kandidatske liste iz reda bošnjačkog naroda:

1. Kandidatska lista predlagača Hadžić Zinajde dobila je **3 glasa**,
2. Kandidatska lista predlagača Jusić Hadisa dobila je **8 glasova**,
3. Kandidatska lista predlagača A-SDA-Pomak-Zajedno dobila je **8 glasova**,
4. Kandidatska lista predlagača Jusić Nisveta dobila je **2 glasa**,
5. Kandidatska lista predlagača Prošić Ekrema dobila je **5 glasova**.

Kandidatske liste iz reda hrvatskog naroda:

1. Kandidacijska lista predlagatelja Laburistička stranka dobila je **1 glas**,
2. Kandidacijska lista predlagatelja Halkić Razima dobila je **1 glas**.

Kandidatska lista iz reda Ostalih:

1. Kandidatska lista predlagača Laburistička stranka dobila je **2 glasa**.

Na osnovu rezultata provedenih posrednih izbora za delegate za Dom naroda Parlamenta Federacije BiH iz reda hrvatskog naroda iz Unsko-sanskog kantona, utvrđeno je da dvije kandidatske liste imaju identičan količnik, te je u skladu sa članom 9.5 i 9.8 stav (1) Izbornog zakona BiH i Poglavljem II. Uputstva o dodjeli i prestanku mandata ("Službeni glasnik BiH", broj 37/14 i 29/18) proveden postupak žrijebanja, dana 30.01.2019. godine u 12:00 sati u prostorijama Centralne izborne komisije Bosne i Hercegovine.

U skladu sa provedenim postupkom žrijebanja, mandat delegata u Dom naroda Parlamenta Federacije BiH iz reda hrvatskog naroda iz Unsko-sanskog kantona dobila je Kandidacijska lista predlagatelja Laburistička stranka.

Imajući u vidu da su ispunjeni svi zakonski uslovi za utvrđivanje rezultata izbora za delegate u Domu naroda Parlamenta Federacije Bosne i Hercegovine iz Skupštine Unsko-sanskog kantona, Centralna izborna komisija Bosne i Hercegovine je, u skladu sa članom 2.9 stav (1) tačka 9, a u vezi sa članom 10.15 Izbornog zakona Bosne i Hercegovine, odlučila kao u dispozitivu ove odluke.

Pravna pouka: Protiv ove odluke, u skladu sa članom 6.9 stav (1) i stav (2) Izbornog zakona Bosne i Hercegovine, može se podnijeti žalba Apelacionom odjelu Suda Bosne i Hercegovine u roku od dva (2) dana od dana prijema ove odluke, koju Centralna izborna komisija BiH dostavlja putem faks aparata.

Žalba se podnosi preko Centralne izborne komisije BiH i dostavlja se putem faks aparata na broj 033/251-329 ili neposredno u sjedište Centralne izborne komisije BiH, Ulica Danijela Ozme broj 7, Sarajevo.

Zamjenjuje predsjednika


Stjepan Mikić, član

Dostaviti:

1. Skupština Unsko-sanskog kantona,
2. a/a.